

Arkiv: FE-00
JournalpostID: 19/2059
Saksbehandlar: Ørjan Raknes
Forthun
Dato: 27.11.2019

Saksframlegg

Saksnr.	Utvalg	Møtedato
018/19	Alver formannskap	05.12.2019
049/19	Alver kommunestyre	19.12.2019

Strategi- og styringsdokument samfunnsutvikling

Vedlegg i saken:

27.11.2019	Strategi- og styringsdokument for samfunnsutvikling_desember 2019_politisk	1329152
30.09.2019	Intensjonsavtale Alver kommune	1325832
30.09.2019	Kommuneplanen sin samfunnsdel Lindås	1325833
30.09.2019	kommuneplanen sin samfunnsdel Radøy	1325835
30.09.2019	kommuneplanen sin samfunnsdel Meland	1325834

Rådmannen sitt framlegg til vedtak:

Strategi- og styringsdokumentet for samfunnsutvikling blir vedtatt slik det blir lagt fram i saka.

Alver formannskap 05.12.2019:

Behandling:

Orientering ved kommunalsjef samfunnsutvikling Hogne Haugsdal
Rådmannen sitt framlegg vart samrøystes vedteke.

FO- 018/19 Vedtak:

Strategi- og styringsdokumentet for samfunnsutvikling blir vedtatt slik det blir lagt fram i saka.

Alver kommunestyre 19.12.2019:

Behandling:

Framlegg frå V.Villanger-SP:

Tillegg pkt. 6.

Innbyggjarar som ikkje har digital tilgang skal ha høve til å få informasjon og dialog med kommunen.

Framlegget vart samrøystes vedteke.

Formannskapet sitt framlegg vart samrøystes vedteke

KO- 049/19 Vedtak:

Strategi- og styringsdokumentet for samfunnsutvikling blir vedtatt slik det blir lagt fram i saka med tillegg pkt.6.

Saksutgreiing

Bakgrunn:

Det er intensjonsavtalen for Alver kommune, underskrive i 2016, som legg grunnlaget for utviklinga av den nye kommunen. Intensjonsavtalen beskriv visjonar, mål og strategiar for korleis Alver kommune skal utvikle seg som samfunn og organisasjon. I intensjonsavtalen står det også at gjeldande planar vert vidareført inntil den nye kommunen vedtar nye.

For Alver kommune vil det ta tid før dei overordna planane er på plass, mellom anna kommuneplanen sin samfunnsdel og arealdel. Sjølv om intensjonsavtalen legg gode føringar for korleis vi skal bygge den nye kommunen, ser rådmannen behov for å ha eit meir utfyllande styringsdokument som kan gje ei tydelig retning på samfunnsutviklinga - fram til Alver kommune har vedtatt ein kommuneplan. Rådmannen forslår derfor å utarbeide eit strategi- og styringsdokumentet som skal følgje opp både intensjonsavtalen og hovudtrekka i dei eksisterande kommuneplanar for Meland, Radøy og Lindås.

Strategi- og styringsdokument for samfunnsutvikling inneheld visjonar og mål som ligg i intensjonsavtalen, i tillegg er det henta ut mål og strategiar som er samanfallande i dagens tre kommuneplanar. Dokumentet legg særleg vekt på å følgje opp vedtatt politikk og planar innafor samfunnsutvikling, og det gjeld områda plan, næringsutvikling, kultur, lokalsamfunnsutvikling, nærmiljø, samferdsel, klima, miljø, infrastruktur og beredskap. Dokumentet er overordna med visjonar, mål og strategiar.

Struktur på dokumentet

For å bygge opp eit overordna strategi- og styringsdokument er det spesielt sett på kva områder som er samanfallande i dagens kommuneplanar. Det er lagt opp til at samfunnsutviklinga skal byggje på fire grunnleggjande «berekjelkar»:

- Vekst og innovasjon
- Berekraft, klima og miljø
- Kultur og frivilligheit
- Folkehelse, tryggleik og deltaking

Vidare legg dokumentet opp til å nytte visjonane som ligg intensjonsavtalen (kap 2). For å sikre ei målretta og heilskapleg utvikling av den nye kommunen, er det lagt opp til å ha ei utvikling gjennom 7 strategiske utviklingsområder.

Strategiske utviklingsområder:

1. Utvikling av regionsenter, kommunesenter lokal- og nærsenter
2. Næring, innovasjon og entreprenørskap
3. Lokalsamfunn, nærmiljø, kultur og frivillighet
4. Berekraft, klima og miljø
5. Medverknad og lokaldemokrati
6. Tenesteutvikling, digitalisering og organisasjon
7. Samfunnstryggleik og beredskap.

Strategi- og styringsdokumentet er vidare bygd opp med hovudmål og konkrete strategiar for kvart av dei strategiske utviklingsområda. Alle mål og strategiar er henta frå intensjonsavtalen og kommuneplanane, og det er i hovudsak nytta same formulering som står i desse styringsdokumenta.

Vurdering:

I intensjonsavtalen står det mellom anna at Alver kommune skal vere ein heilskapleg samfunnsutviklar og byggja fellesskap i ein region med sterk vekst og utvikling. For å få dette til, er det viktig at ein konkretiserer korleis kommunen skal nå visjonane og avklarar korleis organisasjonen skal prioritere i ein periode utan overordna planar. Rådmannen ser derfor at det er viktig å ha eit godt styringsdokument som viser veg fram til ny kommuneplan er på plass. I tillegg vil dette strategi- og styringsdokumentet vere eit godt grunnlag for arbeidet med den nye kommuneplanen.

Strategi- og styringsdokumentet for samfunnsutvikling skal gje retning på utviklinga i Alver og vil vere eit godt grunnlag for å prioritere tiltak og prosjekt dei neste åra. Det vil bli utarbeidd ein handlingsdel for prioriterte prosjekt, prosessar og satsingar. Dei prioriterte prosjekta og tiltaka i handlingsplanen er pågåande prosessar og andre aktuelle tiltak som blir vedtatt økonomiplanprosessen og andre politiske prosessar. Strategi- og styringsdokument med handlingsdel vil bli lagt fram for politisk handsaming i løpet av 1. kvartal 2020. Strategi- og styringsdokumentet gjeld fram til Alver kommune har vedtatt kommuneplanen sin samfunnsdel. Tiltak og prosjekt vil bli fulgt opp i organisasjonen gjennom verksemdsplanar for tenesteområder og avdelingar.